

Börkur Sigurbjörnsson

# Hundur í sálinni

örsaga



Urban Volcano

# Hundur í sálinni

## Börkur Sigurbjörnsson


Creative Commons (BY-NC-ND) – 2023

<https://creativecommons.org/licenses/by-nc-nd/3.0/>

Útgefandi: Urban Volcano

<https://urbanvolcano.net/>

Þessa sögu má afrita með hvaða hætti sem hugnast getur, svo sem með fjölríttun, meitlun í stein eða upplestri í gegnum Zoom úr baðkari á jónsmessunótt, svo fremi sem vísað er í höfund, efniinu ekki breytt á nokkurn hátt og ekki skapist fjárhagslegur ávinningur af afrituninni.



## Hundur í sálinni

---

„Hvað er það með þig og hunda?“ spurði vinurinn þar sem við sátum úti á torgi í glimrandi sólskini og sötruðum ískaffi.

„Hvað meinarðu?“ spurði ég á móti þar sem ég kom gersamlega af fjöllum og hafði svo sannarlega ekki hugmynd um það hvað hann átti við.

„Beit þig hundur í æsku?“

„Nei,“ ekki svo að ég myndi eftir.

„Áttir þú ástkæran hund sem mætti örlögum sínum á óvenju tragískan hátt?“

„Nei,“ því myndi ég muna eftir ef svo hefði verið.

„Langaði þig í hund en fékkst aldrei?“

„Nei,“ en mig langaði einu sinni rosalega í hamstur.

„Hvers vegna koma þá hundar alltaf svo neikvætt fyrir í sögunum þínum?“

„Ha? Gera þeir það?“

Ég renndi huganum yfir sögurnar í smásagnasafninu sem ég hafði gefið út nokkrum vikum áður. Hundar komu jú nokkrum sinnum við sögu. Ég gat nú samt ekki séð að það hafi verið í neitt neikvæðum tón.

„Það er eins og það sé hundur í sál þinni,“ lýsti vinurinn yfir eftir smá þögn.

Þetta var undarlegasta sálgreining sem ég hafði nokkru sinni heyrt.

„Ég verð nú bara að segja eins og er að þá trúir hvorki á hunda í sálum né á sálir í hundum.“

„Sérðu! Þarna gerðir þú það aftur!“

„Hvað?“

„Æ, það skiptir engu,“ sagði vinurinn og dæsti. „Ég myndi samt láta sérfræðing líta á þetta mál við tækifæri.“

## Um höfundinn

---

Börkur Sigurbjörnsson er menntaður tölvunarfræðingur og hefur hugbúnaðarþróun sem aðal viðurværi en sinnir skáldskap í hjáverkum. Börkur er fæddur og uppalinn í Reykjavík en hefur á undanförunum tveimur áratugum búið víðs vegar um heiminn, með langtímadvöl í Amsterdam, Barselóna, Bursheid, Düsseldorf, Lundúnum, Montevideo og Reykjavík. Börkur birtir reglulega örsögur, smásögur og ljóð á vefsíðunni Urban Volcano.

## Bækur höfundarins

Talaðu við ókunnuga, smásagnasafn (2019)

52 augnablik, örsagnasafn (2017)

999 Erlendis, smásagnasagn (2012)

## Aðrir tenglar

Börkur Sigurbjörnsson (heimasíða)

Urban Volcano